

玉

海

二十九

玉海卷第五十八

浚儀王應麟伯厚甫

藝文

傳

尚書注云傳卽注也以傳述爲義史記索隱云列傳者敘列人臣事跡令可傳於後世

釋名曰傳者傳也以傳示

後人也

黃帝星傳 內傳

見天文類 書目黃帝內傳一卷題鑑鏗得於石室
劉向校書得之蓋依託云

禹大傳

文選離騷經王逸注禹大傳曰洧槃之水出崦嵫之山

周王傳 穆天子傳

唐志穆天子傳六卷

晉書云
五篇

隋志六卷汲冢書郭

璞注起居注類晉時得汲冢書有穆天子傳體製與今起

居正同蓋周時內史所記王命之副也

春秋正義

周王遊行五卷 文選陶潛讀山海經詩汎覽周王

傳 中興書目六卷晉太康二年汲郡民發古冢得

之其書言穆王遊行之事侍中荀勗等校正郭璞爲

之注序曰謹以一尺書紙寫上請付祕書繕寫藏之中經副在三閣詔荀勗和嶠等以隸字寫之六卷八千五百二十四字書正義漢書注水經注引之拾遺記穆王三十二年巡行天下有書史十人記其所行之地

孔子六藝傳

史記封禪書孔子論述六藝傳略言封泰山禪梁父者七十餘王矣其俎豆之禮不章蓋難言之 太史公論六家曰儒家以六藝爲法六藝經傳以千萬數

夏小正傳

春秋正義大戴禮夏小正傳曰繁遊胡

春秋瑞應傳

白虎通三正篇春秋瑞應傳曰敬受瑞應而王改正朔易服色

漢高祖孝文傳

見御製

漢保傅傳 青史氏記 學禮

昭紀始元五年六月詔曰通保傅傳注文穎曰賈誼作在禮大戴記 大戴禮第三卷 保傅第四十八殷周

有道之長秦無道之暴其故可知也太子生舉以禮自爲赤子時教固以行矣周成王幼在襁褓之中召

公爲太保周公爲太傅太公爲太師此三公之職也爲置三少皆上大夫也曰少保少傅少師故孩提三公三少固明孝仁禮義以導習之逐去邪人不使見惡行於是比選天下端士孝悌閑博有道術者以輔翼之使之與太子居處出入及太子少長則入於小學見賈誼傳學禮曰云云太子旣冠成人免於保傅之嚴則有司過之史有虧膳之宰有進善之旛有誹謗之木有敢諫之鼓瞽史誦詩工誦正諫大夫進諫士傳民語習與智長化與心成是殷周所以長有道也三代之禮云云食以禮徹以樂失度則史書之工誦之

三公進而讀之宰夫減其膳是天子不得爲非也明堂之位曰道者導天子以道常立於前是周公也充者充天子之志常立於左是太公也弼者拂天子之過常立於右是召公也承者承天子之遺忘常立於後是史佚也注道或謂之疑充或謂之輔故成王中立而聽朝則四聖維之是以慮無失計舉無過事及秦不然云云

夫存亡之反治亂之機其要在是矣天下之命係於天子天子之善在於早諭教與選左右云云此時務也新書保傳篇天子不論先聖王之德云云太師之任也新書傳職篇春秋之元詩之關雎禮云云至太史之任也

之冠昏易之乾《乾》皆慎始敬終云爾素成繁成謹爲娶妻嫁女必擇孝悌世世有行義如是則子孫慈孝黨爲不善三族輔之故曰素成胎教之道書之玉版藏之金匱置之宗廟以爲後世戒青史氏之記曰史子古者胎教王后腹之七月而就宴室太史持銅而御一作斗左太宰持升一作斗而御戶右新書云太卜持蓍龜而御堂下諸官皆以其職御於門內比及三月王后所求聲音非禮樂則太師緼瑟而稱不習所求滋味者非正味則太宰倚升新書云太卜持蓍而言曰不敢以待王太子太子生而泣太師吹云荷新書云太卜某日命云某然後銅曰聲中其律太宰曰滋味上某

新書云太卜然後

卜名上無取於天下無取於墜中無取於名山通谷
無拂於鄉俗是故君子名難知而易避也成王生仁
者養之孝者繩之四聖傍之有知而選太公爲師周
公爲傅王左右不可不諫也故曰繁成注賈子胎教與此同古
者年八歲而出就外舍學小藝焉履小節焉小學謂
作虎闔保束髮而就大學學大藝焉履大節焉大學謂
庠門一之學也東此太居則習禮文行則鳴佩玉升車則聞和鸞
子之禮之聲是以非僻之心無自入也在衡爲鸞在軾爲和
馬動而鸞鳴鸞鳴而和應聲曰和和則敬此御之節
也上車以和鸞爲節下車以佩玉爲度上有雙衡下

有雙璜衡牙虬珠以納其閒琚瑀以雜之行以采茨
趨以肆夏步還中矩進則抑之退則揚之然後玉鏘
鳴也古之爲路車也蓋員以象天二十八橑以象列
星軫方以象地三十輻以象月故仰則觀天文俯則
察地理前視則睹鸞和之聲側聽則觀四時之運此
巾車教之道也自青史氏以下太子之事也新書容經篇
得民心佐不務多務得賢臣引鮑叔史籍事得賢者安存失
賢者危亡明鏡所以察形往古所以知今凡二章三
千五百五十四字保傅言其常傳職戒其變胎教原其本而所以養於外者猶不敢忽此佩以明有度車以明有則而容經又次之

白虎通諫諍篇引禮保傅

大夫進諫士傳民語王失度則史書之工誦之後漢祭祀志注蔡邕引保傅五學之文 詩正義引大戴保傅篇鸞和之說 柳宗元四門壁記保傅篇曰帝入東學以貴仁南學以貴德西學以貴義北學以尊爵賈生述之以明太子之教

禮記文王世子篇世子之記曰云云注世子之禮亡此存其記

漢離騷傳

淮南王安傳入朝獻所作內篇新出上愛祕之使爲離騷傳且受詔日食時上師古曰傳謂解說之若毛詩傳又獻頌

德及長安都國頌

隋志淮南王章句其書今亡

朱買臣傳召見

說春秋言楚辭帝甚說之

王褒傳宣帝修武帝故

事講論六藝羣書召能爲楚辭九江被公召見誦讀

志淮南王賦八十二篇羣臣賦四十四篇

班固

曰孝武詔淮南王安敍離騷傳以爲國風好色而不

淫云云

斯論似過其實

王逸云武帝使淮南王安

作章句

其書今亡

晁氏楚辭自宋玉九辯以下皆謂之

傳

詳見楚辭類

漢六經異傳

史記自序厥協六經異傳索隱云如子夏易傳毛公

詩傳韓嬰詩外傳伏生尙書大傳之流也

正義云如左邱明春

春秋外傳國語

樊儻傳永平元年以讖記正五經異說

漢天下忠臣傳

志陰陽家于長天下忠臣九篇

平陰人近世注劉向

別錄云傳天下忠臣 唐志武誼自古忠臣傳二十

卷咸通中作 南史梁元帝撰忠臣傳三十卷 舊唐志

雜傳孝友十家忠節三家

漢列女傳

志劉向所序列女傳頌圖 劉向傳向睹俗奢淫而趙衛之屬起微賤踰禮制向以爲王教由內及外自

近者始采詩書所載賢妃貞婦興國顯家可法則及
孽嬖亂亡者次爲列女傳凡八篇以戒天子

隋志

列女傳十五卷

唐志同

劉向撰曹大家注又七卷趙母

注

唐志云趙母傳七卷

又八卷高氏撰頌一卷劉歆又一卷曹

植讚一卷繆襲

以頌爲劉歆作與向列傳不合志有頌圖非歆也

曾鞏目

錄序隋書崇文總目皆稱十五篇曹大家注以頌義
考之蓋大家所注離爲十四與頌義凡十五篇益陳
嬰母及東漢以來梁鴻妻十六事非向書本然也嘉
祐中集賢校理蘇頌以頌義篇次復定其書爲八篇
家人之義歸於反身二南之業本於文王向博極羣

書而此傳稱詩芣苢柏舟大車之類與今序詩者異

式微一篇又謂二人之作 馬融傳注列女傳 班

昭傳女誠七篇

唐志
一卷

引女憲

晉王接傳撰烈女後

傳七十二人長子愆期緣父本意又集後傳

南史

庾仲容列女傳三卷

隋志項原列女後傳十卷

唐志

項宗皇甫謐傳六卷綦母邃傳七卷杜預要錄三卷女

記十卷

唐志云
列女記

唐志女訓十七家二十四部三百

八十三卷始於劉向終於鳳樓新誠二十卷失姓名一家有劉熙傳八卷孫夫人序讚一卷虞通之后妃記四卷長孫皇后女則要錄十卷魏徵列女傳略七

卷武后列女傳一百卷

唐舊志雜傳
列女十六家

王方慶女記至

楊氏女誠不著錄五家八十三卷

尚官宋氏女論語
十篇韋氏續曹大

家女訓
十二章

荀爽女誠程曉女典見藝文類聚

曹植

列女頌文選注引之

漢列仙列士傳

隋志漢時阮倉作列仙圖劉向典校經籍始作列仙

列士列女之傳雜傳類列女傳十五卷列士傳二卷

唐志
同

列仙傳讚二卷

舊唐志
二卷
又二卷孫綽郭元祖讚

葛洪神仙傳十卷

唐志王方慶後傳十卷沈汾續神
二卷

仙傳三卷

史記正義七略云列仙傳二卷劉向撰

唐志神仙類卷同文目同凡七十二人

崇書目列仙傳三卷劉向撰

凡六十三人杜光庭仙傳拾遺四十卷凡四百二十九事沈汾續仙傳三卷凡飛昇十六人隱化二十人

樂史總仙祕錄一百三十卷自天皇氏以來類聚登

仙名氏各記事實爲五十四門上之史嘗爲上清文苑

王松

年仙苑編珠一卷自唐以來一百二十八人見素子

洞仙傳十卷凡二百九十二人南史梁顏協撰晉

仙傳五篇江祿撰列仙傳十卷後漢注水經注

文選注引列士傳又引列仙傳讚

漢武帝傳